

Greetings from General Secretary

Khuazing Pathian le Kan Bawipa Jesuh Khrih nan hngalhnak thawngin vel le daihnak cu nan dihlak cungah tlamtling tein nan ta si ko seh!!!

CBCUSA a lamkip in a thancho hi CBCUSA chungtel dihlak thlacamnak asi lai” ti ka zumh. Cu bantuk in CBCUSA member kip nih CBCUSA a thancho chinnak lai thlacamnak lawngin siloin, ruahnak, chawva, training phunphun in CBCUSA nan dirhkamhnak ka hmuh tikah chungtel dihlak cungah lawmhnak chim loin ka um kho lo. CBCUSA a lamkip in a thawn chin lengmang i rian tam chinchin in a tuan khawh hi ka lungthin dihlak in ka duh tuk hringhran. A luangmi ti cu a thiang i mipi caah thahnemhnak a chuahpi. Aa dilmi ti cu a thur i pawngkam caah rimchia a chuahpi. Chin miphun caah a luangmi tiva, CBCUSA he asi chin lengmangnak lai chungtel dihlak nih pekchanhnak le thlacamnak in thazang chuah chin ding ah kan sawm hna.

Khrifabu le miphun caah rian hi tuan taktak ahcun tuan ding a tam ko. Tuan huam lo ahcun tuan ding a um ve lo. October cawlcanghnak cu a tanglei bantuk asi. CBCUSA hruainak in Chinram ah mission rian tuan thiam deuhnak caah kum 4 hlei thlacam nenhmi cu September 28-30, 2019 Mission Conference ah a rak kaimi dihlak nih lungtho taktak in United Chin Mission Network (UCMN) cu dirh asi cang. UCMN nih aa tinhmi cu mission field a ngeimi dihlak theihthiamnak (understanding) ngeih in riantuanthinak lam kawl asi. 2019-2022 UCMN hruaitu ah thimmi hna cu:

- President: Rev. Thlaawr Bawihrin (GS, CBCUSA)
- Vice President: Rev. Run Herh Ling (GS, CBU)
- Executive Secretary: Rev. Ci Lian Kap (Mission Director, CBA/NA)
- Assistant Secretary: Rev. Peng Ling (Mission Director, CCCA)
- Treasurer: Rev. Van Thawng Lian (Mission Director, CBCUSA)
- Assistant Treasurer: Rev. Za That (GS, CACC)
- Country Director: Rev. Bawi Ceu (Former GS, LBA)



Kalaymyo ah UCMN Mission Conference

✓ Chin Identity, Chin Unity a langhtertu le 2015 Chin puicimh zawtlaknak philhlonak inn, Chin Convention Center cu October 4, 2019 ah innkil lung chiahnak ngeih asi. Hlunghlai ngai in tuahnak caan ka hmuh caah Bawipa ka thangthat. CCC inn cu CBCUSA tuanbia ah roling inn asi lai caah thawhvo thiahmi thawh cio ding ah kan nawl hna. A voi 16-nak BT meeting ah CCC cu kum 5 project in sak siseh tiah biakhiahnak ngeih asi. Kum khat a kal cang. Kum 4 a tang. 2019 Khrifabu kip thawhvo zong mah le thiamnak cio in 2020 February dih hlan ah pek dih dingah kan sawm hna.



Chin Convention Center Innpi Hmun Dedication Service ngeih lio



General Secretary nih Corner Stone chiah lio

hna kha a tu ah cun Chin an si than ngawt cang. Lawmh awk ngaingai asi. Ram rian a tuanmi upa nih Gangaw peng um Chin asi ko nain, miphun ah Bama aa timi zong Chin tiah thlen ding ah khua khat hnu khat khat tlawn ding ah program an ngeih kong Gangaw Township, Chin Social Welfare Secretary Pu Mg Mg Myint, Buddhist asi ko nain, Chinism caah a tuan ngaimi pa nih a ka chimh. Gangaw peng ah Chin sinak in a tlaumi an kawl cuahmah cang hna, ti nak asi. Lawmh a um ngai.

✓ A voi 7-nak CBCUSA missionaries renewal le training cu October 10-13,2019 ah Taunggyi khua ah tuah asi. Missionaries 110 an ra. Rakhine ram ah thlahmi mithar 15 an ra kho ve i, kum dang bantuk si loin, a thlihran ning phundang deuh ngai asi. Chinram um Chin miphun le Rakhine ram um Chin miphun Khrih pennak karhna caah hmunkhat te ah ton biaruhnak ngeih cu a sunglawi tuk.

✓ Pu Ngai Sak nih Kawlram phunghram ning in Khrifabu covo le tlangcungmi upadi a cawnpiak hna i man sung taktak asi. Training a kaimi dihlak in hngalh lo fah cu, wow, hi tluk in maw Tlangcungmi caah Biaknak le nunphung he pehtlai in phunghram a um ko mi le Kawlram chung ah biaknak zalonnak upadi an vun theih cio i lunghmui ngai in training dih asi.

✓ CBCUSA nih Halkha ah a zohkhenhmi siangngakchia 75 le 2019 tanghra a awngmi 19, thazang peknak le thlacampiaknak cu October 5, 2019 ah tuah asi. Chin Cozah Hluttaw Speaker Pu Zo Bawi, Sipin Vuanci Pu Soe Htet, Lamsul lei Vuanci Pu Sui Thio, Social Welfare Vuanci Pu Pau Lun Min Thang le upa tampi nih an kan telpi. Education ministry kan ngeihmi hi Chin miphun caah investment a sinak mizapi nih an hngalh chin lengmang.

✓ Mission Department biakhiah bantuk in CBCUSA nih Gangaw peng ah a ummi kan Chin unau hna caah ze tal bawmh khawhmi a um hnga maw, tiah hlathlainak cu October 7, 2019 ah Gangaw peng um upa hna he tonnak kan ngei kho. Gangaw peng um Chin an si ko nain, Chin ka si lo, tiah aa ti mi



Training petu Pu Ngai Sak



Gangaw Hruaitu upa hna le GS



Taungyi ah Missionaries Training

✓ BD Biakhiah bantuk in Rakhine Baptist Convention he riantuanti nak kong cu Ann khua ah October 18, 2019 ah tonnak ngeih asi. Upa an tling. An headquarters Kyauhphyo in Tandwe (Ngapali Beach) ah thial ding an chim. Rakhine ram um Chin cu khuaruah ning, sehchih nun, tuanvo phot ning le riantuan ningcang tiang, cawnpiak a hau mi an sinak a lang ngai. Riantuanti ding ah ruahchannak a um. Nain chawva tam deuh a hau ngai lai. Rakhine Ram ah thlahmi missionaries, pastors le evangelist caah awakening le renewal program kan ngei. Ni a lin tuk nain tlamtling tein kan dih. Rakhine ram um Chin caah biatak chuah in riantuan a hau cang. CBCUSA ca i Thlacamtu nan dihlak cung ah lawmhnak ka ngei.

Paletwa le Sami ah CBCUSA nih vawlei hmun a ngeihmi licence 105/106 tuah ding cu tlam a tling lo. Tuanvo ngeitu hna nih Arakan Army (AA) ruang ah nan ca ah himnak tih a nung deuh, an ti caah kan kal lo. Bawipa nih caan tha a kan pek than te lai.

Khuazing Pathian nih CBCUSA le Chin miphun thluachuah pe chin ko seh!!

Bawi Khrih ah nan tuan hawi,

T. Bawihrin
 Thlaawr Bawihrin
 General Secretary
 CBCUSA
 Indianapolis, Indiana



Rakhine Baptist Convention Upa hna he



Rakhine ram Ann khua ah training ngeih lio

Thawngpang bultawi

- Mission Department Director Rev. Dr. Van Thawng Lian cu kan hnulei September thla dih lai khan Mission riantuannak he pehtlai thil ah Kawlram a tlawng i, tu hi Kawlram ah a um lio a si rih ko. Pathian nih a rian ah umpi in lam hruai ko seh!
- BT biachah zul in BD nih CBCUSA office ah caan cheubang (part-time) rian bawmtu ding i an laak mi Esther Van Hnem Sung cu July 24 khan a rian a domh nain full time rian thar he kemh awk a that lo ruang ah October 11 khan aa ngol. Thla thum deng a tuan chung i a thinlung a thazang aa pek ning hmuh ah sian a um lo ngaingai. BD nih mi thar an kawt than zau lai, tiah ruahchannak ngeih a si.
- Hakha ah Chin Convention Center innpi sagnak ding kong he pehtlai in CBCUSA i Chin Convention Center Building Committee (minung 14) cu tu zan (11/8/2019) hi CBCUSA Office ah meeting an ngei lai.
- CELD (Christian Education & Literature Department) nih June in October tiang thla khat uk khat khan in cauk uk nga (Abraham Lincoln, John F. Kennedy, George Washington, Neil Armstrong, Benjamin Franklin) an chuah. Hmanung bik an chuah mi Benjamin Franklin cauk cu hmai zarh in church kip sin ah kuat a si lai. President a si lo nain US rak dirh lio Founding Fathers lak ah sul pahtu bik le mi roling bik a si mi Benjamin Franlin zuk cu US tangka i man ngan bik 100 ca ah cuanter a si. A rauh hlan ah Civil Rights kong i a lung hnial khawh lo Rosa Parks kong a chuak lai. Tu kum chung ah church kip sin phakter manh ding in timh a si.